

ՀԱՅՏԱՐԱՐՈՒԹՅՈՒՆ

ԱՐՏԱՔԻՆ ՇԱՀԱՌՈՒՆԵՐԻ ՀԵՏ ԽՈՐՀՐԴԱԿՑՈՒԹՅՈՒՆՆԵՐԻ ԱՐԴՅՈՒՆՔՆԵՐՈՎ

ՀԱՅԱՍՏԱՆԻ ՊԵՏԱԿԱՆ ՏՆՏԵՍԱԳԻՏԱԿԱՆ ՀԱՄԱԼՍԱՐԱՆԻ «ԱՄԲԵՐԴ»

ՀԵՏԱԶՈՏԱԿԱՆ ԿԵՆՏՐՈՆԻ ԿՈՂՄԻՑ ՈՒՍԱՆՈՂՆԵՐԻ, ՄԱԳԻՍՏՐԱՆՆԵՐԻ ԵՎ

ԱՍՊԻՐԱՆՆԵՐԻ ՆԵՐԳՐԱՎՄԱՄԲ ԳԻՏԱԿԱՆ ՀԵՏԱԶՈՏՈՒԹՅԱՆ ՄՐՑՈՒՅԹԻ

Հայաստանի պետական տնտեսագիտական համալսարանի (այսուհետ՝ Համալսարան) «Ամբերդ» հետազոտական կենտրոնը (այսուհետ՝ Կենտրոն), Համալսարանի հետազոտական կարողությունների բարելավման և սեփական հետազոտական ներուժը պետական շահերին ի նպաստ բերելու, ինչպես նաև հանրային հետաքրքրություն ներկայացնող կիրառական հետազոտությունների իրականացման և հրապարակման, ընթացիկ հետազոտական աշխատանքներում Համալսարանի ուսանողների, մագիստրոսների և ասպիրանտների ներգրավման, ինչպես նաև օտարալեզու հետազոտությունների հրապարակումների ավելացման նպատակով՝ արտաքին շահառուների հետ խորհրդակցությունների արդյունքում հայտարարում է ուսանողների, մագիստրանտների և ասպիրանտների ներգրավմամբ հետազոտական ծրագրի իրականացման մրցույթ **հետևյալ թեմայով.**

ՀՀ ՄԱՐԶԵՐԻ ՆԵՐԴՐՈՒՄԱՅԻՆ ԳՐԱՎՋՈՒԹՅԱՆ ԲԱՐՁՐԱՑՄԱՆ ՈՒՂԻՆԵՐԸ:

1. ՏԵԽՆԻԿԱԿԱՆ ԱՌԱՋԱԴՐԱՆՔԸ

1.1. Թեմայի շրջանակում լուծվելիք խնդիրները:

- Ուսումնասիրել ՀՀ-ում տարածքային միավորների ներդրումային միջավայրը կարգավորող օրենսդրաիրավական դաշտը, ինչպես նաև ներդրումային գրավչության վրա ազդող գործոնները,
- իրականացնել միջազգային փորձի ուսումնասիրություն՝ վերլուծելով աշխարհի տարբեր երկրների տարածքային միավորների ներդրումային գրավչության ապահովմանն ուղղված գործիքները՝ քննարկելով նաև ՀՀ մարզերում այդ գործիքների ներդրման հնարավորություններն ու իրագործելության աստիճանը,
- իրականացնել ՀՀ մարզերի ներդրումային գրավչությունը բնութագրող ցուցանիշների դի-նամիկ և կառուցվածքային վերլուծություն,
- ՀՀ 4 մարզերի օրինակով իրականացնել ներդրումային գրավչության քանակական և որա-կական գնահատում, այդ թվում՝ կլաստերացման մեթոդով,

- ՀՀ 4 մարզերի օրինակով մարզերի ներդրումային գրավչությունը բարձրացնելու նպատակով մշակել հայեցակարգային թեզեր,
- ներկայացնել առաջարկներ, որոնք կնպաստեն ոլորտի կարգավորմանն ուղղված իրավական դաշտի կատարելագործմանը:

1.2. Աշխատանքային լեզուն:

Հայերեն:

1.3. Հրապարակման ներկայացված զեկույցի ծավալի 1/4-ն ընդգրկող սեղմագրի աշխատանքային լեզուն:

Ռուսերեն, անգլերեն:

1.4. Ակնկալվող արդյունքը:

Իրավական կարգավորումների և օրենսդրական (ենթաօրենսդրական) փոփոխությունների փաթեթ, առաջարկներ և գործողությունների ծրագիր՝ ուղղված ՀՀ-ում մարզերի ներդրումային գրավչությունը բարձրացնելուն (4 մարզերի օրինակով):

1.5. Հետազոտության արդյունքների շահառուները:

ՀՀ կառավարություն, ՀՀ տարածքային կառավարման և ենթակառուցվածքների նախարարություն, ՀՀ էկոնոմիկայի նախարարություն, ՀՀ մարզպետների աշխատակազմեր, ՀՀ համայնքներ, հասարակական և տվյալ հիմնախնդիրների լուծմամբ զբաղվող շահագրգիռ այլ կազմակերպություններ ու միություններ:

1.6. Հետազոտական թեմայի իրականացման պայմանները և ակնկալվող արդյունքները:

Պայմանները: Հետազոտության համար սահմանվող ժամկետը **6 ամիս է:** Հետազոտական խումբը ձևավորվում է Համալսարանի ասպիրանտներից, մագիստրանտներից ու ուսանողներից կազմված կատարողներից: «Ասպիրանտ» հասկացությունը ներառում է նաև Համալսարանում գրանցված հայցորդներին (այսուհետ՝ ասպիրանտ), իսկ «ուսանող» հասկացությունը ներառում է մագիստրատուրայում և բակալավրիատի 3-րդ և 4-րդ կուրսերում սովորող ուսանողներին (այսուհետ՝ ուսանող): Խումբը ղեկավարում է Կենտրոնի աշխատակիցը՝ հասարակական հիմունքներով:

Թեմայի բյուջեն չպետք է գերազանցի **2,5 մլն (երկու միլիոն հինգ հարյուր հազար) դրամը (գործուղման և այլ ծախսերը, հարկերը և այլ պարտադիր վճարները ներառյալ):** Վճարումը կատարվելու է փուլերով, նախատեսված աշխատանքների կատարման վերաբերյալ Կենտրոնի տնօրենի դրական եզրակացության առկայությամբ:

Ակնկալվող արդյունքները: Հետազոտության արդյունքների միջանկյալ և ամփոփիչ

առնվազն երեք քննարկում (2 ներբուհական, 1 հանրային), հետազոտության թեմայի շրջանակներում 3 վերլուծական ակնարկի (հոդվածի) հրապարակում (**այդ թվում՝ ազդեցության գործակից ունեցող միջազգային գրախոսվող պարբերականներում**), կոլեկտիվ մենագրության կամ գիտական զեկույցի հրապարակում, հրապարակված մենագրության կամ զեկույցի ծավալի շուրջ 1/4-ը կազմող ռուսերեն և անգլերեն լեզուներով սեղմագրի հրապարակում, առաջադրված խնդիրների լուծման ամփոփ առաջարկությունների և երաշխավորությունների ներկայացում:

1.7. Հետազոտության հաշվետվությունը ներկայացվող պարտադիր պահանջները:

Հետազոտության հաշվետվությունը չի կարող գերազանցել 150 մեքենագիր էջը (ներառյալ հետազոտության օբյեկտին առնչվող վիճակագրական հավելվածները): Հաշվետվությունը պարտադիր պետք է ներառի հետևյալ բաժինները.

1. Հետազոտության մեթոդաբանությունը և նկարագիրը: Սույն բաժնում մինչև 10 տպագիր

էջի սահմաններում ենթադրվում է ներկայացնել՝

- հետազոտության համառոտ նկարագրությունը (հետազոտության ժամկետները, հետազոտության օբյեկտը և ընտրված բնագավառները),
- հետազոտության մեթոդաբանության և կիրառված գործիքների նկարագիրը,
- հետազոտության ընտրանքի նկարագիրը,
- հետազոտության տեղեկատվական ապահովման աղբյուրների նկարագիրը,
- հետազոտության ելակետային դրույթների (ներառյալ գնահատման ու հաշվարկման կիրառված մեթոդների) նկարագիրը:

2. Հետազոտության օբյեկտին առնչվող ներկայիս իրավիճակի, զարգացման ընթացքի, հետագա զարգացման հնարավորությունների, մարտահրավերների, խոչընդոտների, միջազգային փորձի, այն ՀՀ-ում կիրառելու հնարավորությունների վերլուծությամբ ապահովված հիմնական արդյունքների նկարագիրը:

Այս բաժնում 70-80 տպագիր էջի սահմաններում նախատեսվում է ներկայացնել հետազոտության օբյեկտի դրվածքը Հայաստանի Հանրապետությունում և այլ երկրներում (եթե դա անհրաժեշտ է): Օբյեկտի դրվածքը պետք է ներառի վերջինիս տնտեսական, տեխնիկական, տեխնոլոգիական (եթե դա անհրաժեշտ է), սոցիալ-մշակութային, ժողովրդագրական, ռեսուրսային ապահովվածությանը, զարգացման ընթացքին, հեռանկարին, զարգացման խոչընդոտներին առնչվող ասպեկտների, ինչպես նաև միջազգային առաջավոր փորձի վերլուծության արդյունքները և հետազոտական խմբի տեսակետներն ու մոտե-

ցումները հետազոտության օբյեկտի ռազմավարական զարգացման առնչությամբ:

3. Հետազոտական խմբի առաջարկությունների և երաշխավորությունների փաթեթը և հիմնավորումները:

Այս բաժնում 20-30 տպագիր էջի սահմաններում անհրաժեշտ է ներկայացնել հետազոտության օբյեկտի ներկա դրվածքի լավարկմանը և ռազմավարական զարգացմանը միտված հիմնական առաջարկությունները, երաշխավորությունները, դրանց իրականացման տեխնիկա-տնտեսական հիմնավորումները, իրականացման գործողությունների ծրագիրը և վերջինների իրականացման հնարավոր ազդեցությանն առնչվող կանխատեսումները:

4. Հետազոտության օտարալեզու սեղմագրերը:

Հետազոտության անգլերեն և ռուսերեն սեղմագրերը ենթադրում են հրապարակման ներկայացված մենագրության ծավալի 1/4-ի չափով խտացված ներկայացնել հետազոտության երեք բաժիններում ապահովված հիմնական արդյունքները:

1.8. Հեղափոխության միջանկյալ և ամփոփ արդյունքների ներբուհական և հանրային քննարկմանը ներկայացվող պարտադիր պահանջները:

Հետազոտության միջանկյալ և ամփոփ արդյունքների քննարկումն իրականացվում է հաստատված ժամանակացույցի ու հաշվետվության ձևի համաձայն: Միջանկյալ հաշվետվությունները կազմակերպվում են ներբուհական քննարկման ձևաչափով, որի ընթացքում խմբի կողմից ներկայացվում են հետազոտությամբ արձանագրված միջանկյալ արդյունքները: **Միջանկյալ արդյունքների վերաբերյալ հետազոտական խումբը հրապարակման է պատրաստում 5-10 տպագիր էջի սահմաններում 1 վերլուծական ակնարկ (հոդված):** Ամփոփ հաշվետվությունը կազմակերպվում է հանրային քննարկման ձևաչափով, որի ընթացքում խումբը ներկայացնում է ամբողջական հետազոտությունն ու դրա արդյունքում ձևավորված երաշխավորությունները: **Ամփոփ արդյունքների վերաբերյալ հետազոտական խումբը հրապարակման է պատրաստում մինչև 5-10 տպագիր էջի սահմաններում 2 վերլուծական ակնարկ (հոդված):** Հրապարակման ենթակա վերլուծական ակնարկներից (հոդվածներից) առնվազն մեկը պետք է հրապարակվի ազդեցության գործակից ունեցող միջազգային գրախոսվող պարբերականում:

1.9. Ակադեմիական բարեվարքությունը

Հետազոտական խմբի անդամները պարտավոր են պահպանել ՀՀ օրենսդրությամբ և միջազգային իրավական ակտերով սահմանված **ակադեմիական բարեվարքության կանոնները:**

2. ՄՐՑՈՒՅԹԻ ՊԱՅՄԱՆՆԵՐԸ

Սույն պայմանները մշակվել են Հայաստանի պետական տնտեսագիտական համալսարանի գիտական խորհրդի 2021 թվականի մարտի 2-ի N8-3 որոշմամբ հաստատված՝ «Հայաստանի պետական տնտեսագիտական համալսարանի «Ամբերդ» հետազոտական կենտրոնի հետազոտական թեմաների և խմբերի ձևավորման, դրանցում ասպիրանտների և ուսանողների ներգրավման կարգ»-ի (այսուհետ՝ **Կարգ**) պահանջների հիման վրա՝ հաշվի առնելով հետազոտական թեմայում բացառապես ուսանողներ և ասպիրանտներ ներգրավելու առանձնահատկությունները:

2.1. Մրցույթի նպատակներն ու խնդիրները:

2.1.1. Մրցույթի նպատակներն են.

- Կենտրոնի մասնագիտացման բնագավառում հետազոտական հավելյալ ակտիվության և հրապարակումների պարբերականության ապահովումը,
- հետազոտական աշխատանքներում Համալսարանի ասպիրանտների և ուսանողների հետազոտական հմտությունների զարգացումը՝ նրանց հետազոտական աշխատանքներում ներգրավման միջոցով,
- հետազոտությունների արդյունքների ինտեգրումը ուսումնական գործընթացում,
- կիրառական հետազոտությունների իրականացմամբ ՀՀ տնտեսության որևէ խնդրի (խնդիրների) լուծմանն ուղղված առաջարկությունների ներկայացումը համապատասխան շահառուին (շահառուներին),
- կիրառական հետազոտությունների արդյունքների հրապարակմամբ Համալսարանի՝ իբրև հետազոտական հաստատության, հեղինակության բարձրացումը:

2.1.2. Մրցութային կարգով իրականացվող հետազոտական ծրագրերին առաջադրվում են **հետևյալ խնդիրները.**

- նպաստել ՀՀ սոցիալ-տնտեսական զարգացման առավել կարևոր հիմնահարցերի գիտականորեն հիմնավորված լուծմանը,
- ստեղծել նախադրյալներ հետազոտության արդյունքների առևտրայնացման և արտաքին պատվերների ինստիտուտի զարգացման համար,

- փոխկապակցել ՀՊՏՀ ուսումնական և հետազոտական գործունեությունը, ընդլայնել երիտասարդ հետազոտողների ներգրավվածությունը:

2.2. Հետազոտական խմբի ձևավորումը և մասնակիցներին ներկայացվող պահանջները:

- 2.2.1. Հետազոտական խումբը Կենտրոնի կողմից մրցութային հիմունքներով ներգրավված՝ ասպիրանտներից ու ուսանողներից բաղկացած խումբն է:
- 2.2.2. Հետազոտական խմբում կարող են ներառվել նաև Համալսարանի բակալավրիատի ավարտական կուրսում և/կամ մագիստրատուրայում փորձառություն անցկացնող ուսանողները՝ նրանց փորձառության ժամկետներում և առանց վարձատրության:
- 2.2.3. Հետազոտական խումբը ձևավորվում է տվյալ հետազոտական թեմայի կատարման համար և գործում է մինչև թեմայի սահմանված ժամկետի ավարտը, որից հետո, **Կարգի** համաձայն՝ նրանց աշխատանքի հանձնման-ընդունման ավարտական ակտի հաստատվելու պահից, կատարողների և պատվիրատուի պայմանագրային պարտավորությունները դադարում են:
- 2.2.4. Հետազոտական խմբում ուսանողների ներգրավումը կատարվում է հետևյալ չափանիշներին համապատասխան.
բակալավրիատի ուսանող և մագիստրանտ կատարողների կուտակային միջին որակավորման գնահատականը պետք է բարձր լինի 15.1 միավորից:
- 2.2.5. Ուսանողի ներգրավման պայման են սույն մրցութային հրավերի 2.2.4. ենթակետում սահմանված առաջադիմության նվազագույն շեմը, առկա հմտությունները, մասնագիտական հետաքրքրությունների շրջանակը և հրապարակումները (եթե առկա են): Ասպիրանտ կատարողների համար ներգրավման պայման են առկա հմտությունները, ատենախոսության թեման, մասնագիտական հետաքրքրությունների շրջանակը և հրապարակումները (եթե առկա են):
- 2.2.6. Հետազոտական թեմաներում ներգրավված Համալսարանի ասպիրանտներն ու ուսանողները չեն կարող հետազոտական թեմայի իրականացման ժամանակահատվածում ներգրավված լինել Համալսարանի կողմից ֆինանսավորվող այլ հետազոտական թեմաներում և խմբերում:

2.2.7. Հետազոտական խմբի կատարողների գործառույթները, աշխատանքային պարտականությունները և իրավասությունները սահմանվում են ծառայությունների մատուցման պայմանագրերով՝ սույն մրցույթի հրավերում նշված տեխնիկական առաջադրանքին համապատասխան:

Ծառայությունների մատուցման պայմանագրում պարտադիր կերպով նշվում է ակադեմիական բարեվարքության չպահպանման և/կամ պարտավորությունների չկատարման կամ ոչ պատշաճ կատարման համար՝ **Կարգով** նախատեսված պատժամիջոցների մասին:

3. ՀԵՏԱԶՈՏԱԿԱՆ ԹԵՄԱՆԵՐԻ ՖԻՆԱՆՍԱՎՈՐՈՒՄԸ ԵՎ ԿԱՏԱՐՈՂՆԵՐԻ ՎԱՐՁԱՏՐՈՒԹՅՈՒՆԸ

3.1. Հետազոտական թեմայի կատարման համար հատկացված բյուջեն հետազոտական թեմայի խմբի ղեկավարի կողմից բաշխվում է հետևյալ սկզբունքով.

- ա) խմբի անդամների աշխատանքի վարձատրություն,
- բ) գործուղումների և նյութերի ձեռք բերման ծախսեր,
- գ) այլ ծախսեր:

Հետազոտական խումբը կամ նրա անդամ(ներ)ը չի (չեն) կարող հոդվածների հրապարակման (հրապարակումների) համար Համալսարանից այլ փոխհատուցում ստանալ, եթե նախահաշվով սահմանված «այլ ծախսեր» հոդվածով փոխհատուցվել են հոդվածների հրապարակման համար ծախսերը:

3.2. Հետազոտական խմբի կատարողների աշխատանքի վարձատրության չափը որոշվում է ըստ հետևյալ չափանիշների.

Հետազոտական խմբում իբրև կատարող ներգրավված՝

- բակալավրիատի ուսանողների անդամների համար ամսական վարձատրության չափը սահմանվում է 60.000 (հիսուն հազար) ՀՀ դրամ (ներառյալ հարկերը և այլ վճարները),
- մագիստրանտների համար սահմանվում է 70.000 (վաթսուն հազար) ՀՀ դրամ (ներառյալ հարկերը և այլ վճարները),
- ասպիրանտների համար՝ ամսական 80.000 (ութսուն հազար) ՀՀ դրամ (ներառյալ հարկերը և այլ վճարները):

- 3.3. Հետազոտական խմբի կատարողների աշխատանքի վարձատրությունը կատարվում է ըստ նրանց հետ կնքված ծառայությունների մատուցման պայմանագրում նշված վարձատրության չափի և պարբերականության՝ հաստատված կատարողական ակտի հիման վրա:
Հետազոտական խմբի ղեկավարի զեկուցագրի հիման վրա Կատարողի նկատմամբ կարող են կիրառվել ծառայությունների մատուցման պայմանագրով և օրենսդրությամբ նախատեսված պատասխանատվության միջոցները:
- 3.4. Կենտրոնը 15 օրվա ընթացքում դիտարկում է ներկայացված հաշվետվություններն ու հրապարակման ներկայացրած նյութերը և բացթողումների կամ տեխնիկական առաջադրանքով սահմանված պահանջներից շեղումների դեպքում խմբին տալիս է բացթողումները և շեղումները շտկելու ժամկետ, որը չի կարող գերազանցել 20 աշխատանքային օրը: Կատարողական ակտերը ստորագրվում են և պայմանագրով սահմանված վարձատրության ընդհանուր գումարի վերջին 15%-ը վճարվում է բացթողումներն ու շեղումները շտկելուց հետո:
- 3.5. Ավարտական հաշվետվությունը հաստատվում է Կենտրոնի Փորձագիտական խորհրդի կողմից:
- 3.6. Գործուղումների և սահմանված նյութերի ձեռք բերման համար նախատեսված հատկացումները կատարվում են Կենտրոնի տնօրենի զեկուցագրի և ծախսերը հիմնավորող անհրաժեշտ հաշվապահական փաստաթղթերի առկայության դեպքում՝ հետազոտության համար նախատեսված գումարի շրջանակներում:
Գործուղման ծախսերի հատուցումն իրականացվում է օրենսդրությանը համապատասխան:

4. ՀԱՅՏԵՐԻ ԼՐԱՑՄԱՆ ԿԱՐԳԸ ԵՎ ՆԵՐԿԱՅԱՑՈՒՄԸ

- 4.1. Հետազոտական թեմայի կատարման մրցույթին կարող են հայտ ներկայացնել սույն մրցույթի հրավերով և **Կարգով** սահմանված պահանջներին բավարարող ուսանողները և ասպիրանտները:
- 4.2. Մրցույթին մասնակցելու հայտը և անհրաժեշտ փաստաթղթերը ներկայացվում են **Հավելված 1-ով** սահմանված ձևաթղթերին համապատասխան:
- 4.3. Հայտը ներկայացվում է առցանց (on-line) ռեժիմով՝ ստորագրված և սկանավորված՝ ուղարկելով Կենտրոնի էլեկտրոնային հասցեներին՝ amberd.asue@gmail.com և

amberd@asue.am՝ մինչև 2024 թվականի ապրիլի 15-ը ներառյալ (մինչև՝ Երևանի ժամանակով ժամը 17:30):

Մրցույթի հետ կապված լրացուցիչ հարցերի պարզաբանման համար կարելի է զանգահարել +37410-593429 կամ +37433-770101 հեռախոսահամարով:

4.4. Հայտի տեքստային մասը ներկայացնել 1,5 տողամեջ հեռավորությամբ, 12 չափի «GHEA Grapat» տառատեսակով, էջերի բոլոր կողմերից թողնել 2.5 սմ լուսանցք:

5. ՄՐՑՈՒՅԹԻ ԿԱԶՄԱԿԵՐՊՈՒՄԸ, ՀԱՅՏԵՐԻ ՓՈՐՁԱՔՆՆՈՒԹՅՈՒՆԸ ԵՎ ԱՄՓՈՓՈՒՄԸ

- 5.1. Կատարողների ընտրությունը կատարվում է մրցութային հիմունքներով՝ Փորձագիտական խորհրդի կողմից:
- 5.2. Հայտերը դիտարկվում են և մրցույթի արդյունքում հայտը շահած կատարողների տվյալները հրապարակվում են հայտերի ընդունման վերջնաժամկետին հաջորդող 15 աշխատանքային օրերի ընթացքում:
- 5.3. Մրցույթի պայմաններին բավարարող Հայտերը տրամադրվում են Փորձագիտական խորհրդի անդամներին՝ սույն մրցույթի հրավերի 5.7. և 5.8. ենթակետերով սահմանված չափանիշներին և ձևաչափին համապատասխան գնահատում իրականացնելու համար:
- 5.4. Հայտերը Փորձագիտական խորհրդին ներկայացվում են ծածկագրի հերթական համարով՝ առանց կատարողի տվյալների:
- 5.5. Հայտերը Փորձագիտական խորհրդի անդամների կողմից գնահատվում են՝ ըստ **Հավելված 2-ով** սահմանված չափանիշների:
- 5.6. Փորձաքննությունը կազմակերպող և իրականացնող անձանց կողմից Հայտերի բովանդակության, փորձաքննության ընթացքի և արդյունքների վերաբերյալ տեղեկությունների տրամադրումը երրորդ կողմին արգելվում է: Նման տեղեկատվություն տրամադրող անձը ենթարկվում է պատասխանատվության ՀՀ օրենսդրությամբ սահմանված կարգով:
- 5.7. Հայտի գնահատումն իրականացնում է ըստ **Հավելված 2-ով** սահմանված գնահատման թերթիկի, որտեղ նշված չափանիշներից յուրաքանչյուրին տրվում է 0-5 միջակայքում գնահատական (0,1 միավորի ճշտությամբ), որտեղ 0-ն՝ նվազագույն և 5-ը՝ առավելագույն միավորն է:

5.8. Փորձագիտական խորհրդի անդամների կողմից 0-5 միջակայքում միավորները տրվում են հետևյալ մեթոդաբանությամբ.

- 0-1** հարցի պատասխանը բացակայում է կամ այն չի կարող որոշվել տեղեկության
միավոր բացակայության և/կամ սահմանափակության պատճառով,
- 1-2** հարցի պատասխանը ներկայացված է մակերեսորեն և անորոշ,
միավոր
- 2-3** հարցի պատասխանը բավարար չէ ամբողջական կարծիք կազմելու համար,
միավոր
- 3-4** հարցի պատասխանն, ընդհանուր առմամբ, բավարարում է հարցի պահանջ-
միավոր ներին, բայց կան զգալի անհամապատասխանություններ,
- 4-4,5** հարցի պատասխանը, ընդհանուր առմամբ, համապատասխանում է առա-
միավոր ջադրված պահանջներին, սակայն առկա են որոշակի անհամապատասխանու-
թյուններ,
- 4,5-5** հարցի պատասխանը լիովին համապատասխանում է հարցի պահանջներին և
միավոր թերություններն աննշան են:

5.9. Հայտի փորձաքննության վերջնական գնահատականը ձևավորվում է Փորձագիտական խորհրդի անդամների գնահատականների միջին թվաբանականի հիման վրա:

5.10. Փորձաքննության արդյունքները հաստատվում են Փորձագիտական խորհրդի կողմից՝ հատուկ արձանագրությամբ, որը ներառում է մրցույթին մասնակցության հայտ ներկայացրած կատարողների վարկանիշային ցանկը (ըստ հայտատուների ծածկագրերի):

5.11. Եթե վերջնական փորձագիտական գնահատականը փոքր է գնահատման սանդղակի առավելագույն միավորի 50 տոկոսից, ապա հայտը մերժվում է:

5.12. Հայտ ներկայացրած մեկից ավելի կատարողների դեպքում նախապատվությունը տրվում է փորձաքննության արդյունքներով առավելագույն միավոր ստացած կատարողին: Սույն մրցույթի հրավերով կարող են հաղթող ճանաչվել և հետազոտական թեմայում որպես կատարող ընդգրկվել առաջին չորս տեղերը գրաված կատարողները:

Հավասար միավորների դեպքում այդ հայտատուներն ընդգրկվում են հետազոտական խմբում:

- 5.13. Փորձագիտական խորհրդի անդամը, ով հանդիսանում է նաև հետազոտական խմբի ղեկավարը, սվյալ թեմայի շրջանակներում ներկայացված հայտի փորձաքննությանը մասնակցում է խորհրդակցական ձայնի իրավունքով:
- 5.14. Հայտերի փորձաքննության արդյունքները, հետազոտական թեմայի ղեկավարի թեկնածությունը, ինչպես նաև հետազոտական թեմայի կատարման համար հատկացված բյուջեն **(տե՛ս Հավելված 3)** հաստատվում են Փորձագիտական խորհրդի կողմից:
- 5.15. Փորձագիտական խորհրդի կողմից հաստատված՝ Հայտերի փորձաքննության արդյունքները, ինչպես նաև հետազոտական թեմայի կատարման համար հատկացված բյուջեն Փորձագիտական խորհրդի նախագահը ներկայացնում է Համալսարանի ռեկտորին:
- 5.16. Համալսարանի ռեկտորը, ելնելով փորձաքննության արդյունքներից, հրամանագրում է ֆինանսավորման ենթակա հետազոտական խմբերին, հաստատում է իրականացման ենթակա հետազոտական թեմաների ցանկը, դրանց ղեկավարների և կատարողների ցուցակը՝ նշելով յուրաքանչյուր գիտական թեմայի կատարման համար նախատեսվող գումարի հատկացման չափը:
- 5.17. Փորձաքննության արդյունքում հաղթած հետազոտական խմբի կատարողների հետ կնքվում են ծառայությունների մատուցման համապատասխան պայմանագրեր, որոնք գործում են մինչև հետազոտական թեմայի ժամկետի ավարտը:
- 5.18. Պայմանագրերում հետազոտական խմբի կատարողների գործառույթները սահմանվում են սույն մրցութային հրավերով և տեխնիկական առաջադրանքով սահմանված պայմաններին համապատասխան:
- 5.19. Պայմանագրերում կատարողների աշխատանքի վարձատրությունը և պարբերականությունը սահմանվում են **Կարգի** 32-38-րդ կետերով սահմանված պայմաններին համապատասխան՝ ըստ հայտում ներկայացված հաստիքացուցակի:
- 5.20. Հետազոտական խմբի ղեկավարի հետ ծառայությունների մատուցման պայմանագիր չի կնքվում, նրա գործառույթները սահմանվում են սույն մրցութային հրավերով և տեխնիկական առաջադրանքով սահմանված պայմաններին համապատասխան:

5. ՀԵՏԱԶՈՏԱԿԱՆ ԹԵՄԱՆԵՐԻ ԿԱՏԱՐՄԱՆ ԺԱՄԿԵՏՆԵՐԻ ԵՎ ՏԵԽՆԻԿԱԿԱՆ ԱՌԱՋԱԴՐԱՆՔԻ ՊԱՀԱՆՋՆԵՐԻ ՆԿԱՏՄԱՄԲ ՎԵՐԱՀՍԿՈՂՈՒԹՅՈՒՆԸ

- 5.1. Հետազոտական թեմաների կատարումը պարտադիր է սույն մրցութային հրավերով սահմանված ժամկետներում:
- 5.2. Հետազոտական թեմաների կատարումը պարտադիր է սույն մրցութային հրավերով սահմանված տեխնիկական առաջադրանքի պայմաններին և արդյունքների հրապարակայնացման ժամանակացույցին ու սահմանված ձևաչափին համապատասխան:
- 5.3. Հետազոտական թեմաների կատարմամբ պարտադիր պետք է ապահովվեն սույն մրցույթի հրավերով սահմանված ակնկալվող արդյունքները, ինչպես նաև կատարողի կողմից ներկայացված հավելյալ արդյունքները:
- 5.4. Սահմանված ժամկետի ավարտին հետազոտական խումբը Կենտրոնին է ներկայացնում իրականացված հետազոտության հաշվետվությունը, հետազոտությամբ ապահովված արդյունքները ներառող հրապարակման ենթակա նյութերը (ներառյալ հետազոտության արդյունքներն արտացոլող հրապարակման ներկայացված նյութի ծավալի 1/4-ը կազմող անգլերեն և ռուսերեն լեզվով համառոտագրերը):
- 5.5. Սահմանված ժամկետներում ավարտին չհասցված, կամ սույն մրցույթի հրավերով սահմանված պարտադիր նվազագույն արդյունքները չապահովված հետազոտական խումբը վճարում է տուժանք, պայմանագրի արժեքի 25%-ի չափով:
- 5.6. Սահմանված ժամկետներում ավարտին չհասցված, կամ սույն մրցույթի հրավերով սահմանված պարտադիր նվազագույն արդյունքները չապահովված հետազոտական խմբերի կատարողները զրկվում են հաջորդող երկու հաշվետու տարիների ընթացքում Համալսարանի ֆինանսավորմամբ որևէ հետազոտական ծրագրի մասնակցելու իրավունքից:
- 5.7. Բացառիկ դեպքերում, երբ առաջացել է հետազոտական թեմայի կատարման ժամկետի երկարաձգման անհրաժեշտություն (կապված նոր իրողությունների ի հայտ գալու և, դրանցով պայմանավորված, նոր առաջարկների փաթեթներ ու դրանց կատարման մեթոդական երաշխավորություններ մշակելու անհրաժեշտության հետ), Փորձագիտական խորհրդի որոշմամբ, Կենտրոնի տնօրենը, թեմայի ղեկավարի զեկուցագրի հիման վրա կարող է երկարաձգել թեմայի կատարումը ոչ ավելի, քան վեց ամիս ժամկետով՝ առանց լրացուցիչ վարձատրության:
- 5.8. Հետազոտական թեմաների համակարգումը և ընթացիկ վերահսկողությունն իրականացվում է Կենտրոնի տնօրենի կողմից:
- 5.9. Հետազոտական թեմաների ընթացիկ վերահսկողության բաղադրիչներ են.

- հետազոտական խմբի ղեկավարի կողմից հաստատված հետազոտության ընթացքի և ապահովված փաստացի արդյունքների վերաբերյալ միջանկյալ և ամփոփ հաշվետվությունների ժամանակացույցերը,
- հետազոտական խմբի ղեկավարի կողմից հաստատված հետազոտական արդյունքների ներհամալսարանական և հանրային քննարկումների կազմակերպման ժամանակացույցերը,
- տեխնիկական առաջադրանքով սահմանված այլ գործողությունների (վերլուծական ակնարկների, գիտական հոդվածների և այլ նյութերի հրապարակում) համար սահմանված ժամանակացույցերը և փաստացի արդյունքները,
- խմբի ղեկավարի կողմից թեմայի կատարողներին վերապահված աշխատանքների կատարման հաշվետվությունը,
- աշխատանքի վարձատրությունից բացի հետազոտության նախահաշվով նախատեսված այլ ֆինանսական ծախսերի փաստաթղթային հիմնավորումները,
- տեխնիկական առաջադրանքով սահմանված վերջնական հրապարակման ներկայացվող հիմնական արդյունքները ներառող հաշվետվությունը և դրա երկլեզու համառոտագրերը:

5.10. Հետազոտական աշխատանքները չկատարելու կամ ոչ պատշաճ կատարելու, ինչպես նաև պայմանագրով նախատեսված ժամկետներում չկատարելու դեպքում հետազոտական խմբի անդամները կրում են պատասխանատվություն օրենսդրությանը համապատասխան: